

6 Nov. 1993

Awe tardi, 49 aña despues di su morto, nos ta para riba e plaza aki cu ta dedica na su memoria, huntu cu su rumannan y otro miembro di su famia, pa duna homenaje na un gran Arubiano, esta BOY ECURY.

Huntu cu nos tin algun joven, mayoria di nan ex-verkenners, cu ta aspira algo mas cu verkennerij por ofrece nan. Nan ta haña cu nan mester haci algo util pa mehoranza di e comunidad cu nan ta biba aden.

Cu e idea aki nan a forma un grupo cu nan a duna e nomber di S.J.A. Boy Ecury.

Nan a scohe como lema pa e grupo "WE SERVE", NOS TA SIRBI.

E lema aki ta bon escogi y ta cuadra cu e nomber cu nan a scohe pa e grupo.

SIRBI en realidad tabata e lema di Boy tambe, SIRBI.

Aunque esaki no ta aparece riba ningun escudo ni ningun bandera, nos por bisa cu e lema aki tabata graba den Boy su corazon.

Pasobra Boy a scohe di sirbi un causa cu e tabata considera justo y e tabata asina convenci di esaki cu e tabata dispuesto pa duna e pertenencia di mas valioso y sagrado cu un hende por tin. Esta SU VIDA.

Mi ta spera cu e nomber aki no a wordu escogi djis pa e grupo tin un nomber, pero cu e lo ta un inspiracion pa nan. De nomber di tur ex-militar cu a sirbi aki na Aruba durante e di dos guerra mundial y despues, mi ta desea e grupo hopi exito den tur locual nan lo dicidi di dedica nan mes ne.

Y tambe cu e grupo lo resulta un cu henter nos comunidad por ta orguyoso di dje. Esaki lo ta na honor di e grupo mes, y tambe na honor di esun cu e grupo ta carga su nomber, esta BOY ECURY.

Masha danki.

EXPERTISEBUREAU

Karel J. van Meeteren

Postbus 444

Tel / Fax 22741 (woning 23464)

Datustraaf 11

Oranjestad - Aruba